

## كنشرتو الحب

أنا في حُضرة عينيك السود  
قلبي كل دقاته بتعزف عود  
ومزيكا..  
وكنشرتو..  
دا إسمك لو هاجيب سيرته  
ماييكفيش كلامي عليك  
باحس إن اللسان معقود  
ومفروض إنى اتوه في عينيك  
باحبك أيوه وبشدة  
يا واقف جنبي في الشدة  
وشايل عني حمل جبال

مخبيني من الدنيا  
مخليني فُحياة تانية  
حياة مزروعة راحة بال  
أقول فيك إيه؟  
ما خلّصت الكلام كله  
ما فيش تاني كلام يتقال  
وعلى أي حال  
سكوتك جميل  
كلامك جميل  
بساطة ملامحك  
وطيبة عيونك  
خليط مستحيل  
مخليلي روحي

الي ثابتة كشجرة

تحن وتميل

وقلبي يجري عليك وكأنه

راكب ضمير خيل

طبيعي نشوف حاجة حلوة في غيرنا

بس الي رجح كفة جنابك

سعادتك يافندم كلك جميل